

ჭიათურის მუნიციპალიტეტის მერია



ქალაქ ჭიათურაში მერიის ადმინისტრაციული შენობის ფასადის და მის წინ არსებული სკვერის
რეაბილიტაციის სამუშაოების საპროექტო-სახარჯთაღრიცხვო დოკუმენტაციის შედგენის
მომსახურების სახელმწიფო შესყიდვა

კონკურსის საშუალებით

საკონკურსო დოკუმენტაცია

სარჩევი

1. ინსტრუქცია კონკურსში მონაწილესათვის
2. ტექნიკური მოთხოვნები
3. სახელმწიფო შესყიდვების შესახებ ხელშეკრულების პროექტი

1. ინსტრუქცია კონკურსში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „კონკურსის მეშვეობით საპროექტო მომსახურების სახელმწიფო შესყიდვის წესისა და პირობების დამტკიცების შესახებ“ სახელმწიფო შესყიდვების სააგენტოს თავმჯდომარის 2015 წლის 22 მაისის №7 ბრძანების შესაბამისად.

1.2 კონკურსთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს საკონკურსო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი უნდა იყოს უფლებამოსილი პირის მიერ (საჭიროების შემთხვევაში წარმოდგენილ უნდა იქნას მინდობილობა ან რწმუნებულება).

1.5 სახელმწიფო შესყიდვების შესახებ ხელშეკრულების ფორმა და პირობები მოცემულია საკონკურსო დოკუმენტაციაში, რომელიც ხელშეკრულების დადების მომენტისათვის დაზუსტდება საკონკურსო წინადადების შესაბამისად.

1.6 საკონკურსო წინადადებაში ფასი გამოსახული უნდა იყოს დღგ-ს გარეშე. საკონკურსო წინადადების ფასის წარმოდგენა დასაშვებია მხოლოდ ლარში.

1.7 პრეტენდენტს არა აქვს უფლება წარმოადგინოს ალტერნატიული საკონკურსო წინადადება.

1.8 საკონკურსო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის – „კითხვა/პასუხის“ მეშვეობით, ან/და საკონკურსო კომისიის აპარატში, წერილობითი მიმართვის შემთხვევაში. მის: ქ.ჭიათურა, ნინოშვილის ქუჩა №7, მე-3 სართული. საკონტაქტო პირი: ლევან ბიწაძე, ტელ: 551 722211.

2. ტექნიკური მოთხოვნები

2.1 ტექნიკური დავალება და მოთხოვნები

საპროექტო ტერიტორია

- ✓ საპროექტო ტერიტორია მდებარეობს ქ. ჭიათურაში ნინოშვილის ქ N7

ტექნიკური დავალების მიზანი

- ✓ ტექნიკური დავალების მიზანია ჭიათურის მერიის ადმინისტრაციული შენობის ფასადის და მის წინ არსებული სკვერის (საკადასტრო კოდები: 38.10.36.071 და 38.10.36.199) რეაბილიტაციისათვის საუკეთესო დიზაინის გამოვლენა და შესაბამისი საპროექტო დოკუმენტაციის მომზადება.
- ✓ პროექტის ძირითადი აღწერა

მიმწოდებელი (საპროექტო სამუშაოების განმახორციელებელი) ვალდებულია მოამზადოს სრული პროექტი აღნიშნულ სკვერის მოწყობისათვის.

საპროექტო არეალში მოეწყოს შემდეგი ფუნქციური ზონები და სივრცეები:

- ✓ უნდა განხორციელდეს არსებული 16 ერთეული სადროშის დემონტაჟი
- ✓ დემონტირებული სადროშეების ადგილზე უნდა მოეწყოს ავტოსადგომი

- ✓ ავტოსადგომსა და მდინარე ყვირილას შორის არსებულ მერიის უკანა ეზოში ჩასასვლელ გზაზე უნდა მოეწყოს ორი ერთეული შლანგბაუმი მომსახურე ჯიხურით და საჭირო აპარატურით, რომელიც შეზღუდავს მერიის წინა და უკანა ეზოში ტრანსპორტის გადაადგილებას და ასევე მერიის წინა ეზოს შემოსასვლელში.
- ✓ დაპროექტებულ ავტოსადგომსა და მერიის უკანა ეზოში შემალ გზას შორის (გამიჯვნის მიზნით) მოეწყოს ცოცხალი ღობე (საყვავილეებით)
- ✓ უნდა მოეწყოს ოთხი ერთეული სადროშე მერიის შენობის წინ
- ✓ უნდა განხორციელდეს მერიის შესასვლელი კიბეებისა და შესასვლელში ვიტრაჟის განახლება
- ✓ უნდა განხორციელდეს სკვერში არსებული შადრევნის რეაბილიტაცია (შადრევნის დიზაინი უნდა იყოს არსებულ გარემოსთან შესაბამისობაში, წყლის ეფექტურად გამოყენების მიზნით შადრევანს უნდა გააჩნდეს წყლის ბასეინი, საიდანაც მოხდება არსებული წყლის ცირკულაცია. შადრევანს უნდა გააჩნდეს ნათების სისტემა მინიმუმ სამი ფერის შერევით)
- ✓ უნდა განხორციელდეს სანათების; ბორდიულების; სკამების; ურნების და მიწის საფარზე არსებული ფილების შეცვლა და ასფალტო საფარის დაგება თავისივე დახაზვით.
- ✓ ბილიკებში უნდა განხორციელდეს სანათების ჩაშენება (სანათები ჩაშენებული უნდა იყოს ბილიკებზე განთავსებული საფარის პირზე)
- ✓ სკვერის მწვანე ნაწილში უნდა მოეწყოს სარწყავი სისტემა
- ✓ საჭიროების შემთხვევაში უნდა მოხდეს არსებული კომუნიკაციების (დენი , წყალი და სხვა) შეცვლა
- ✓ მოეწყოს სასმელი წყლის სოკო/ები;
- ✓ უნდა განხორციელდეს მერიის შენობის სრული შემინვის პროექტირება, რომელიც გამოყოფილი უნდა იყოს ცალკე ნაწილად.
- ✓ საპროექტო სივრცე სრულად უნდა იყოს ადაპტირებული შშმ პირებისათვის ადაპტირებული;
- ✓ საპროექტო გადაწყვეტილებებმა უნდა უზრუნველყონ მოვლა-პატრონობის ხარჯების ოპტიმალურობა;
- ✓ გამოყენებული სამშენებლო მასალები და ტექნოლოგიები საშუალებას უნდა იძლეოდნენ მინიმუმამდე იქნას დაყვანილი მათი მიმდინარე და კაპიტალური შეკეთების (რემონტის) ხარჯები;
- ✓ ძირითადი მოსაპირკეთებელი მასალების და ნაკეთობების შერჩევა უნდა განხორციელდეს დამკვეთთან შეთანხმების საფუძველზე;
- ✓ მინიმუმამდე უნდა იქნას დაყვანილი გარემოზე ზემოქმედება;
- ✓ გამოყენებული მასალები უნდა იყოს ეკოლოგიურად სუფთა;

ტექნიკური დავალება

საძიებო სამუშაოები, საპროექტო ტერიტორიის კვლევა:

- არსებული სიტუაციის დეტალური აღწერა - საპროექტო ობიექტის საერთო ხედები, ფასადები, საერთო და ლოკალური დაზიანების ამსახველი ფოტომასალა, (მაღალი ხარისხის და რეზოლუციის ფოტო მასალა);
- ინფორმაცია არსებული კომუნიკაციების თაობაზე;
- პირველადი ინფორმაცია ობიექტების სასმელი წყლით, ელექტროენერგიით უზრუნველსაყოფად, სანიაღვრე ქსელებთან მიერთებებთან დაკავშირებით;
- საპროექტო ობიექტების ადგილმდებარეობის სიტუაციური გეგმა (მასშტაბი 1:1000 ან 1:2000);
- სისტემატიზირებული უახლოესი ფოტომასალა: საპროექტო ობიექტების საერთო ხედები, არქიტექტურულ-მხატვრული თვალსაზრისით ღირებული ელემენტები;
- ტერიტორიებზე არსებული სივრცითი დომინანტების, მათი აღქმის წერტილების და პანორამების, პერსპექტივების იდენტიფიკაცია და ფოტო-ფიქსაცია;
- ტოპოგრაფიული გადაღება უნდა განხორციელდეს ტოპოგრაფიული აგეგმვის ინსტრუქციის შესაბამისად, დაცული უნდა იყოს გეგმური და სიმაღლური სიზუსტე (სიზუსტის ცდომილება არ უნდა აღემატებოდეს 5 სმ) და დატანილი უნდა იქნეს ყველა სახის ტოპოგრაფიული ელემენტი;

- ტოპო-რუკაზე ნაჩვენები უნდა იყოს ყველა სახის კომუნიკაცია, გაყვანილობის სქემა, მერქნიანი მცენარეები და არსებული ობიექტები (საჭიროების შემთხვევაში); ოფიციალურად უნდა იქნას გამოთხოვილი ინფორმაცია არსებული კომუნიკაციების შესახებ შესაბამისი უწყებებისგან (წარმოდგენილი უნდა იქნას შესაბამისი უწყებებისგან მიღებული ოფიციალური წერილები და დოკუმენტები);
- ტოპოგრაფიული გეგმის გადაღება უნდა განხორციელდეს UTM WGS 84 კოორდინატების სისტემაში; ტოპო-აგეგმვითი სამუშაოები უნდა ჩატარდეს მაღალი სიზუსტის ორსიხშირიანი GPS ხელსაწყოთი და აუცილებლობის შემთხვევაში ელექტრონული ტაქსომეტრების გამოყენებით (დახურული სივრცის არსებობის შემთხვევაში). ორივე მათგანი უნდა ატარებდეს ინდივიდუალურ პინ კოდს და დარეგისტრირებული იყოს საჯარო რეესტრში.
- საპროექტო ობიექტების ტოპოგრაფიული გეგმა - მ. 1:500;
- არსებული საინჟინრო კომუნიკაციების (წყალმომარაგება-კანალიზაციის, გარე განათების, გაზომარაგების, სანიაღვრე არხების) მდგომარეობის შესწავლა და შესაბამისი დასკვნებისა და რეკომენდაციების მომზადება.

უნდა დამუშავდეს არსებულ ლანდშაფტური გეგმარების ანალიზზე დაფუძნებული დენდროლოგიური განვითარების კონცეფცია:

- მწვანე ნარგავების აღდგენისა და გაშენების რეკომენდაციები;
- ნიადაგობრივ კლიმატური ფაქტორების გათვალისწინებით შეირჩეს რეკომენდირებული მერქნიანი მცენარეების რაოდენობა და სახეობები; ასევე შერჩეული მცენარეების მახასიათებლები (მათ შორის მცენარის ფენოფაზები);
- რეკომენდაციები არსებული და დასარგავად შერჩეული მცენარეების მოვლა-პატრონობასთან დაკავშირებით;
- საუკეთესო საერთაშორისო გამოცდილებაზე დაყრდნობით დამუშავდეს მცენარის დარგვის სტანდარტი (შესაბამისი ნახაზით).

საბოლოო გენგეგმა, დეტალური პროექტის და ხარჯთაღრიცხვის მომზადება (სახელმძღვანელო პრინციპების ჩათვლით):

სრული საპროექტო-სახარჯთაღრიცხვო დოკუმენტაციის მომზადება, რომლის საფუძველზეც შესაძლებელი იქნება სამშენებლო კომპანიის შესარჩევი ტენდერის ჩატარება და სამშენებლო სამონტაჟო სამუშაოების განხორციელება.

დეტალური საპროექტო-სახარჯთაღრიცხვო დოკუმენტაცია უნდა შედგებოდეს შემდეგი კომპონენტებისგან:

- განმარტებითი ბარათი;
- ფუნქციური განაწილება;
- სიტუაციური (მ1:2000) და გენერალური გეგმები (მ 1:1000); თითოეული თარგისთვის 1:500 მასშტაბში;
- არქიტექტურული სამუშაო ნახაზები (გეგმები, ჭრილები, ფასადები, განშლები, დეტალები, კვანძები (მ. 1:100, 1:50, 1:25);
- არქიტექტურული მცირე ფორმების დეტალური ნახაზები - ჩამოსაჯდომი სკამი, საჩრდილობელი, ურნა, დეკორატიული ელექტრო ბოძი, წყლის სოკო და ა.შ (საჭიროების შესაბამისად);
- საჭირო ობიექტები და ფურნიტურა, მათი ადგილმდებარეობა თითოეულ ზონაში;
- ბილიკების ქსელი;
- ტერიტორიის განათებით უზრუნველყოფა;
- ინფრასტრუქტურული ქსელის/საჭიროებების გამოყოფა (გამოკვეთა);
- გამწვანება და ლანდშაფტის გეგმარება (დენდროლოგიური კონცეფცია);
- როგორ ხორციელდება წყლისა და სხვა რესურსების მართვა;

- ელ. ქსელი, კანალიზაცია, წყალმომარაგება, სანიაღვრე, სადრენაჟე - სქემები, დეტალები, კვანძები, სპეციფიკაციები (მ. 1:200; 1:100, 1:50);
- სახარჯთაღრიცხვო ნაწილის საერთო განმარტებითი ბარათი, რომელიც უნდა მოიცავდეს სამშენებლო ობიექტის სატიტულო სიას, გამოყენებული დოკუმენტების ჩამონათვალს და ინფორმაციას დანარიცხების გაანგარიშების წესის შესახებ;
- ლოკალური ხარჯთაღრიცხვები შესრულებული გამარტივებული და რესურსული მეთოდით;
- მშენებლობის კრებსითი ხარჯთაღრიცხვა.

ზონალური სტრატეგიები მომზადდება 1: 1000 ან 1: 500 მასშტაბებში და თანდართული იქნება ტექსტური ნაწილი (განმარტებითი ბარათი), სადაც დეტალურად იქნება აღწერილი შემუშავებული კონცეფცია; რეკომენდაციები და სახელმძღვანელო პრინციპები.

ილუსტრაციული გენ-გეგმა და სტრატეგიები (იხ. ზემოთ) უნდა ასახავდეს საპროექტო ტერიტორიის სივრცით მოწყობას. რეკომენდაციებმა და სახელმძღვანელო პრინციპებმა მიმართულება უნდა მისცეს ტერიტორიის სამომავლო განვითარებას, მათ შორის ისეთ საკითხებს, როგორიცაა გამოსაყენებელი მასალები, დიზაინის პრინციპები ისეთი ინფრასტრუქტურული ობიექტებისთვის როგორიცაა: ბილიკები, საპარკე ფურნიტურა და ა.შ.

დამკვეთის მოთხოვნის შემთხვევაში მიმწოდებელმა 5 კალენდარული დღის ვადაში უნდა წარმოადგინოს ხარჯთაღრიცხვით გათვალისწინებული ცალკეული პოზიციის ფასწარმოქმნის დამდგენი დოკუმენტი (მაგ: ინვოისი).

განათების პროექტის ნაწილში მიმწოდებელმა უნდა წარმოადგინოს შუქტექნიკური ანგარიში, განათებულობის საანგარიშო ისეთი საერთაშორისო პროგრამების გამოყენებით, როგორიც არის: Calculux, DIALux, Relux, Litestar და მსგავსი. შუქტექნიკური ანგარიშის მომზადებისას პრეტენდენტი უნდა დაეყრდნოს EU (ევროკავშირის) მიერ აღიარებულ სტანდარტებს ქალაქის, საცხოვრებელი უბნების შიდაკვარტალური გზების განათებასთან მიმართებაში. სანათი მოწყობილობების შერჩევისას მთავარი ამომავალი წერტილი უნდა იყოს სანათის ენერგოეფექტურობა და მისი ექსპლოატაციის პერიოდში ეკონომიურობა, რაც გამოხატულ უნდა იქნეს ზუსტად შერჩეული ეკონომიური სიმძლავრით, ეფექტური ნათების უნარით და მუშაობის გრძელვადიანობით. გამოყენებული უნდა იყოს მაღალი ხარისხის EU (ევროკავშირის) სტანდარტების შესაბამისი სანათი მოწყობილობები, პროდუქცია, სანათებს/სანათის ელექტრულ ნაწილს („დრაივერსა“ და შუქდიოდებს) უნდა გააჩნდეს CE ან/და ENEC და RoHS მარკირება. შუქტექნიკური ანგარიშის მომსახურების კოეფიციენტი უნდა იყოს MF: 0.7. გაანგარიშება შესაბამისობაში უნდა იყოს EN 13201 სტანდარტის მოთხოვნებთან.

რეკომენდაციები და სახელმძღვანელო პრინციპების დამუშავებისას გათვალისწინებული უნდა იქნას შემდეგი პრინციპები:

- საპროექტო გადაწყვეტილებებმა უნდა უზრუნველყონ მოვლა-პატრონობის ხარჯების ოპტიმალურობა;
- ძირითადი მოსაპირკეთებელი მასალების და ნაკეთობების შერჩევა უნდა განხორციელდეს დამკვეთთან შეთანხმების საფუძველზე;
- მინიმუმამდე უნდა იქნას დაყვანილი გარემოზე ზემოქმედება; გამოყენებული მასალები უნდა იყოს ეკოლოგიურად სუფთა;
- ტერიტორიაზე არსებული ობიექტების ტექნიკური გადაწყვეტები უნდა განხორციელდეს შემლებისდაგვარად ეფექტურად.

რეკომენდაციები და სახელმძღვანელო პრინციპები უნდა მომზადდეს შემდეგ საკითხებზე:

- ბილიკების მოწყობა/მოპირკეთება (მათ შორის გამოყენებული მასალები);
- პარკში შესასვლელები და გამოსასვლელები;
- საინფორმაციო და მანიშნებელი ნიშნები, ამკრძალავი ნიშნები;
- ტერიტორიის სასმელი წყლით უზრუნველყოფა;

- სპეციალური საჭიროებების მქონე პირების მისასვლელები და ადაპტირებული ინფრასტრუქტურა;
- საპარკე ფურნიტურა: მაგალითად, სკამები, ნაგვის ურნები, საპიკნიკე ადგილები და სხვა.
- გამწვანება;
- ხელოვნური, ღამის განათების კონცეფცია;
- სარწყავი სისტემა.

პროექტის მომზადებისას გათვალისწინებულ უნდა იქნეს საქართველოს კანონმდებლობით დადგენილი სამშენებლო წესების და ნორმების და სხვა რეგულაციების მოთხოვნები (მაგრამ არ შემოიფარგლება).

საკონკურსო წინადადების შეფასების კრიტერიუმები და მათი ხვედრითი წონები:

1. ხარისხის ჯამური შეფასების ხვედრითი წონა შეადგენს - 0,8.
2. საკონკურსო წინადადების ფასის ხვედრითი წონა შეადგენს - 0,2.

მოთხოვნები რომლებსაც უპირობოდ უნდა აკმაყოფილებდეს პრეტენდენტი და რომელთა დაუკმაყოფილებლობა გამოიწვევს პრეტენდენტის დისკვალიფიკაციას:

- ✓ პრეტენდენტს 2019 წლის 01 იანვრიდან, კონკურსის გამოცხადებამდე უნდა გააჩნდეს არანაკლებ 30000 ლარის საინჟინრო-საპროექტო დოკუმენტაციის შედგენის მომსახურების გამოცდილება, რომელიც ინფორმაციის სახით მოცემული უნდა იყოს დანართი №1-ით გათვალისწინებულ ცხრილში.
- ✓ საპროექტო-სახარჯთაღრიცხვო დოკუმენტაციის შედგენის მომსახურების გამოცდილების დადასტურების მიზნით, პრეტენდენტი ვალდებულია წარმოადგინოს, საანგარიშო პერიოდში მხარეთა მიერ ხელმოწერილი ხელშეკრულებები; საბოლოო მიღება-ჩაბარების აქტები და ანგარიშგაქტურები (არსებობის შემთხვევაში).
- ✓ თუ წარმოსადგენი გამოცდილების დამადასტურებელი დოკუმენტები ატვირთულია სახელმწიფო შესყიდვების ერთიან ელექტრონულ სისტემაში საკმარისია შესაბამისი განცხადების ნომრ(ებ)ის (SPA, NAT, DAP, CMR) წარმოდგენა.

შენიშვნა: შემსყიდველი უფლებამოსილია, ინფორმაციისათვის მიმართოს პრეტენდენტის იმ დამკვეთებს, რომლებთან გაფორმებულ დოკუმენტებსაც წარმოადგენს პრეტენდენტი გამოცდილების დასტურად.

საუკეთესო საკონკურსო წინადადებისა და გამარჯვებულის გამოვლენა მოხდება პრეტენდენტის მიერ წარმოდგენილი საპროექტო ობიექტის კონცეფციის და შესრულებული ესკიზური პროექტის საფუძველზე:

1) საკონკურსო წინადადება უნდა მოიცავდეს შემდეგ გრაფიკულ და ტექსტურ მასალას:

1. საპროექტო ტერიტორიის კონცეფცია განმარტებითი ბარათის სახით (ტექსტური ფორმით), ესკიზით;
2. გენ-გეგმა (ესკიზურ დონეზე);
3. საპროექტო ტერიტორიის ვიზუალიზაცია (იხ. საკონკურსო დოკუმენტაციასთან ერთად ატვირთულ ორთოფოტოზე მონიშნული საპროექტო არეალი, რომელზეც საკონკურსო ტექნიკურ დოკუმენტაციაში წარმოსადგენია რენდერები, არანაკლებ 6 ცალი, სხვადასხვა რაკურსით, დღის და ღამის).
4. წარმოდგენილ უნდა იქნას ინფორმაცია პრეტენდენტის გამოცდილების შესახებ დანართი №1-ის შესაბამისად.
5. გარანტიის შესახებ თანხმობა.

საუკეთესო საკონკურსო წინადადების გამოვლენისათვის დადგენილი ხარისხის შეფასების კოეფიციენტები:

N	შეფასების კრიტერიუმი	კოეფიციენტი	კრიტერიუმის ტიპი
	საპროექტო ტერიტორიის კონცეფცია განმარტებითი ბარათის სახით (ტექსტური ფორმით და ესკიზები), ესკიზით; გენ-გეგმა (ესკიზურ დონეზე); საპროექტო ტერიტორიის ვიზუალიზაცია (რენდერები არანაკლებ 6 ცალი, სხვადასხვა რაკურსით, დღის და ღამის).	1,0	არათვალადი კრიტერიუმი, სადაც უპირატესობა ენიჭება საკონკურსო კომისიის წევრების მიერ მინიჭებული ქულების მაღალ საშუალო

			არიტმეტიკულ მაჩვენებელს

არათვლადი კრიტერიუმების შეფასებისას კომისიის ყოველი წევრი ცალ-ცალკე აფასებს კრიტერიუმს 0-10 ქულიან დიაპაზონში, ხოლო საბოლოო შეფასება განისაზღვრება კომისიის წევრების მიერ მინიჭებული ქულების საშუალო არითმეტიკული მაჩვენებლით.

მომსახურების გაწევის პირობები და ვადები:

- ✓ მომსახურება უნდა განხორციელდეს ხელშეკრულების გაფორმებიდან 70 კალენდარული დღის განმავლობაში. მიმწოდებელმა ამავე ვადაში უნდა წარმოადგინოს აღნიშნულ პროექტზე სსიპ ლევან სამხარაულის ან სხვა აკრედიტაციის მქონე პირის მიერ გაცემული დადებითი ექსპერტიზის დასკვნა.
- ✓ მიმწოდებელი ვალდებულია გადასცეს შემსყიდველ ორგანიზაციას სრული საპროექტო-სახარჯთაღრიცხვო დოკუმენტაცია.
- ✓ საპროექტო-სახარჯთაღრიცხვო დოკუმენტაცია წარმოდგენილი უნდა იქნეს მხოლოდ ქართულ ენაზე.
- ✓ საპროექტო-სახარჯთაღრიცხვო დოკუმენტაციის ეგზემპლარების რაოდენობა:
 - ა) საპროექტო დოკუმენტაცია – 3 ეგზემპლარი ბეჭდური (A-3 და A-4 ფორმატები);
 - ბ) სახარჯთაღრიცხვო დოკუმენტაცია – 3 ეგზემპლარი ბეჭდური (A-4 ფორმატი);
 - გ) საპროექტო-სახარჯთაღრიცხვო დოკუმენტაციის სრული ელექტრო (PDF და Excel ფაილები) ვერსია – 1 CD/DWD დისკი;
 - დ) საჭიროების შემთხვევაში მიმწოდებელი ვალდებულია გადასცეს შემსყიდველ ორგანიზაციას საპროექტო-სახარჯთაღრიცხვო დოკუმენტაციის სამუშაო ელექტრონული ფაილები (MS Word, Excel, AutoCAD, ArchiCAD და სხვა).
- ✓ საბოლოო (სრული) საპროექტო-სახარჯთაღრიცხვო დოკუმენტაცია წარდგენილ უნდა იყოს შემდეგ მისამართზე: ქ.ჭიათურა ნინოშვილის ქN7 (მერიის ადმინისტრაციული შენობა).

მოთხოვნა საგარანტიო ვადის შესახებ:

თუ სამუშაოების განხორციელების პროცესში შესაბამის საპროექტო-სახარჯთაღრიცხვო დოკუმენტაციაში აღმოჩნდება რაიმე სახის დეფექტ(ებ)ი ან სამუშაოების მიმდინარეობის პერიოდში გამოიკვეთება საჭიროება ხარჯთაღრიცხვის ან პროექტის ცვლილებისა, მიმწოდებელი ვალდებულია საკუთარი ხარჯებით აღმოფხვრას ისინი 7 კალენდარული დღის განმავლობაში, შემსყიდველის მიმართვიდან. თუ მიმწოდებელი არ აღმოფხვრის აღნიშნულ დეფექტ(ებ)ს, შემსყიდველი უფლებამოსილია მიმართოს ხელშეკრულებითა და საქართველოს კანონმდებლობით გათვალისწინებულ ღონისძიებებს. შენიშვნა: გარანტიის შესახებ თანხმობა პრეტენდენტმა უნდა დაადასტუროს წერილობითი სახით დამოწმებული უფლებამოსილი პირის ხელმოწერით.

ანგარიშსწორება

- ✓ ანგარიშსწორება მოხდება უნაღდო ფორმით, ლარში.
- ✓ საბოლოო ანგარიშსწორება მოხდება წარმოდგენილი საპროექტო-სახარჯთაღრიცხვო დოკუმენტაციის, ჭიათურის მუნიციპალიტეტის მერის ბრძანებით შექმნილი კომისიის მიერ ხელმოწერილი მიღება-ჩაბარების აქტის და სსიპ ლევან სამხარაულის ან სხვა აკრედიტაციის მქონე პირის მიერ გაცემული დადებითი ექსპერტიზის დასკვნის და ანგარიშგაქტურისა (დღგ-ს გადამხდელის შემთხვევაში) წარმოდგენის საფუძველზე.
- ✓ ანგარიშსწორება განხორციელდება მიმწოდებლის მიერ ანგარიშსწორებისათვის საჭირო ყველა დოკუმენტაციის წარმოდგენიდან 10 (ათი) სამუშაო დღის ვადაში.

საკონკურსო დოკუმენტაციის მოთხოვნებთან შესაბამისობის დადასტურების მიზნით, სახელმწიფო შესყიდვების ერთიან ელექტრონულ სისტემაში წარმოგენილ, უცხო ქვეყანაში შედგენილ დოკუმენტზე

ხელმოწერები და ხელმოწერი პირების უფლებამოსილება დამოწმებული უნდა იყოს ნოტარიუსის ან შესაბამისი საჯაროსამართლებრივი უფლებამოსილების მქონე პირის მიერ, ხოლო ამ უკანასკნელის ხელმოწერა - ლეგალიზებული ან აპოსტილით დამოწმებული.

პრეტენდენტის მიერ ერთიან ელექტრონულ სისტემაში ასატვირთია:

1. საპროექტო ობიექტის კონცეფცია განმარტებითი ბარათის სახით (ტექსტური ფორმით), ესკიზით;
2. გენ-გემა (ესკიზურ დონეზე);
3. საპროექტო ტერიტორიის ვიზუალიზაცია (იხ. საკონკურსო დოკუმენტაციასთან ერთად ატვირთულ ორთოფოტოზე მონიშნული საპროექტო არეალი, რომელზეც საკონკურსო ტექნიკურ დოკუმენტაციაში წარმოსადგენია რენდერები, არანაკლებ 6 ცალი, სხვადასხვა რაკურსით, დღის და ღამის).
4. გარანტიის შესახებ თანხმობა.
5. ინფორმაცია პრეტენდენტის გამოცდილების შესახებ დანართი №1-ის შესაბამისად. შენიშვნა: ტექნიკური დოკუმენტაციის სისტემაში ატვირთვის შემდეგ, პრეტენდენტმა სისტემის შესაბამის ველში უნდა მიუთითოს საკონკურსო წინადადების ფასი დღგ-ის გარეშე, საკონკურსო წინადადების ფასს პრეტენდენტი უთითებს მხოლოდ სისტემის შესაბამის ველში.

დაუშვებელია ტექნიკურ დოკუმენტაციაში საკონკურსო წინადადების ფასის მითითება. პრეტენდენტი, რომელიც ტექნიკურ დოკუმენტაციაში მიუთითებს საკონკურსო წინადადების ფასს, ექვემდებარება დისკვალიფიკაციას. პრეტენდენტს არ მოეთხოვება საკონკურსო წინადადების ფასის გაანგარიშების წარდგენა.

სახელმწიფო შესყიდვის შესახებ

ხელშეკრულების პროექტი

ქ. ჭიათურა

_____ 2022 წელი

ერთი მხრივ, სსიპ თვითმმართველი ერთეული ჭიათურის მუნიციპალიტეტი, წარმოდგენილი მუნიციპალიტეტის მერის გივი მოდებაძის სახით (შემდგომში - შემსყიდველი),

მისამართი: ჭიათურა, ნინოშვილის

ქ. №7 საიდენტიფიკაციო კოდი: №

215609544

ტელეფონის ნომერი: 0479 25 10 81

საბანკო რეკვიზიტები: სს

„საქართველოსბანკი“ ბანკის კოდი:

BAGAGE22

ანგარიშის ნომერი: GE89BG0000000951640600

და მეორე მხრივ, ----- წარმოდგენილი ----- სახით (შემდგომში - მომწოდებელი),

მისამართი:

საიდენტიფიკაციო კოდი:

ტელეფონის ნომერი:

საბანკო რეკვიზიტები:

ბანკის კოდი:

ანგარიშის ნომერი:

შემდგომში თითოეული ცალ-ცალკე წოდებული, როგორც „მხარე“, ხოლო ერთობლივად წოდებულნი, როგორც „მხარეები“, (საფუძვლები დამოკიდებულია ტენდერის სახეზე) სახელმწიფო შესყიდვების სააგენტოს თავმჯდომარის 2015 წლის 22 მაისის ბრძანება N7-ის

„კონკურსის მეშვეობით საპროექტო მომსახურების სახელმწიფო შესყიდვის წესი და პირობები“-ს 5-ე სახელმწიფო

შესყიდვების ერთიანი ელექტრონული სისტემით გამოცხადებული ელექტრონული (CTN)-ის შედეგების საფუძველზე, ვდებთ წინამდებარე ხელშეკრულებას (შემდგომში - ხელშეკრულება) შემდეგზე:

მუხლი 1. შესყიდვის ობიექტის დასახელება და შესაბამისი CPV კოდი

1. ხელშეკრულებით გათვალისწინებულ შესყიდვის ობიექტს წარმოადგენს ჭიათურის მერიის ადმინისტრაციული შენობის ფასადის და მის წინ არსებული სკვერის რეაბილიტაციის სამუშაოების საპროექტო-სახარჯთაღრიცხვო დოკუმენტაციის შედგენის მომსახურეობის სახელმწიფო შესყიდვა (შემდგომში -მომსახურება) დანართის შესაბამისად.
2. ამ მუხლის პირველი პუნქტით გათვალისწინებული შესყიდვის ობიექტის CPV კოდია: 71320000 - საინჟინრო-საპროექტო მომსახურება.

მუხლი 2. ხელშეკრულების ღირებულება

ხელშეკრულების ღირებულება შეადგენს (_____) ლარს საქართველოს კანონმდებლობით გათვალისწინებული გადასახადების ჩათვლით, დღგ-ს გარეშე.

მუხლი 3. მომსახურეობის გაწევის ვადა

1. მიმწოდებელი ვალდებულია ხელშეკრულებით გათვალისწინებული სამუშაო განახორციელოს ხელშეკრულების გაფორმებიდან 70 (სამოცდაათი) კალენდარული დღის ვადაში, 2022 წლის _____ ჩათვლით.
2. მიმწოდებელი ვალდებულია სამუშაოები დაიწყოს ხელშეკრულების გაფორმებიდან 3 (სამი) კალენდარული დღის ვადაში.

მუხლი 4. ანგარიშსწორების წესი

1. ანგარიშსწორება მოხდება უნაღდო ფორმით, ლარში.
2. ანგარიშსწორება მოხდება წარმოდგენილი საპროექტო-სახარჯთაღრიცხვო დოკუმენტაციის, ჭიათურის მუნიციპალიტეტის მერის ბრძანებით შექმნილი კომისიის მიერ ხელმოწერილი მიღება-ჩაბარების აქტის და სსიპ ლევან სამხარაულის ან სხვა აკრედიტაციის მქონე პირის მიერ გაცემული დადებითი ექსპერტიზის დასკვნის და ანგარიშგაქტურისა (დღგ-ს გადამხდელის შემთხვევაში) წარმოდგენის საფუძველზე.

მუხლი 5. გაწეული მომსახურეობის საგარანტიო ვადა

1. მოწოდებული საპროექტო დოკუმენტაციის საგარანტიო ვადა შეადგენს საბოლოო მიღება-ჩაბარების აქტის გაფორმებიდან 3 (სამი)წელს.
2. ამ მუხლის პირველი პუნქტით განსაზღვრული, შესრულებული საპროექტო დოკუმენტაციის საგარანტიო ვადის განმავლობაში რაიმე წუნის (ნაკლოვანებები, დეფექტი) აღმოჩენის შემთხვევაში, მიმწოდებელი ვალდებულია შეტყობინების მიღებიდან, შემსყიდველის მიერ განსაზღვრულ გონივრულ ვადაში, საკუთარი ხარჯებით უზრუნველყოს მისი აღმოფხვრა.

მუხლი 6. მომსახურეობის შესაბამისობა

თუ მომსახურეობის განხორციელების პროცესში შესაბამის საპროექტო-სახარჯთაღრიცხვო დოკუმენტაციაში აღმოჩნდება რაიმე სახის დეფექტ(ებ)ი ან სამუშაოების მიმდინარეობის პერიოდში გამოიკვეთება საჭიროება ხარჯთაღრიცხვის ან პროექტის ცვლილებისა, მიმწოდებელი ვალდებულია საკუთარი ხარჯებით აღმოფხვრას ისინი 7კალენდარული დღის განმავლობაში, შემსყიდველის მიმართვიდან. თუ მიმწოდებელი არ აღმოფხვრის აღნიშნულ დეფექტ(ებ)ს, შემსყიდველი უფლებამოსილია მიმართოს ხელშეკრულებითა და საქართველოს კანონმდებლობით გათვალისწინებულ ღონისძიებებს.

მუხლი 7. მომსახურეობის მიღება-ჩაბარების წესი

1. მიმწოდებლის მიერ წარდგენილი შესრულებული საპროექტო დოკუმენტაცია მიღებულად ჩაითვლება საქართველოს კანონმდებლობით გათვალისწინებული დოკუმენტების დადასტურებიდან და მიღება-ჩაბარების აქტის გაფორმების შემდეგ.

2. ხელშეკრულების ფარგლებში შესასრულებელი, მიმდინარე და შესრულებული სამუშაოების შემოწმებას ახორციელებს: შემსყიდველის შესაბამისი სამსახური ან მის მიერ შექმნილი ინსპექტირების ჯგუფი/სპეციალური კომისია/პირი .

3. მიღება-ჩაბარების მომენტში აუცილებელია წარმოდგენილი იქნეს სსიპ ლევან სამხარაულის ან სხვა აკრედიტაციის მქონე პირის მიერ გაცემული დადებითი ექსპერტიზის დასკვნა.

მუხლი 8. მხარეთა უფლება-მოვალეობანი

1. მიმწოდებელი ვალდებულია:

ა) სამუშაო განახორციელოს ხელშეკრულების მე-3 მუხლში განსაზღვრულ ვადაში და პირობებით;

ბ) შემსყიდველთან შეთანხმოს მომსახურეობის განხორციელებისას გამოსაყენებელი მასალ(ებ)ის იერსახე და ხარისხი;

გ) საკუთარი ხარჯებით უზრუნველყოს ხელშეკრულებით გათვალისწინებული ინსპექტირების შედეგად და ხელშეკრულების მე-6 მუხლით განსაზღვრული წესით გამოვლენილი ყველა დეფექტ(ებ)ის აღმოფხვრა;

დ) შემსყიდველს უმოკლეს ვადაში აცნობოს მისი მოსალოდნელი რეორგანიზაციის ან ლიკვიდაციის შესახებ;

2. შემსყიდველი ვალდებულია, შეუფერხებლად აუნაზღაუროს მიმწოდებელს გაწეული მომსახურეობის ღირებულება ხელშეკრულებით გათვალისწინებული პირობებისა და ვადების შესაბამისად.

3. შემსყიდველი უფლებამოსილია:

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

ბ) არ ჩაიბაროს რაოდენობრივად, ხარისხობრივად ან უფლებრივად ნაკლიანი გაწეული მომსახურეობა.

მუხლი 9. კონტროლი (ინსპექტირება)

1. ხელშეკრულებით გათვალისწინებული ვალდებულებების შესრულების, გაწეული მომსახურეობის მოცულობის, ხარისხისა და შესრულების ვადების დაცვის კონტროლს (ინსპექტირება) ახორციელებს შემსყიდველის შესაბამისი სამსახური ან მის მიერ შექმნილი ინსპექტირების ჯგუფი/სპეციალური კომისია/პირი .

2. ხელშეკრულების მოქმედების პერიოდში, ხელშეკრულების შესრულების ნებისმიერ ეტაპზე, შემსყიდველი უფლებამოსილია, განახორციელოს ხელშეკრულებით გათვალისწინებული ვალდებულებების შესრულების კონტროლი (ინსპექტირება).

3. მიმწოდებელი ვალდებულია, საკუთარი ხარჯებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებითა და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

4. მიმწოდებელი ვალდებულია, საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტ(ებ)ის აღმოფხვრა და კონტროლის (ინსპექტირების) ხელახლა განხორციელებასთან დაკავშირებული ხარჯების ანაზღაურება.

5. მომსახურეობის განხორციელების პროცესში, მიმწოდებელი ვალდებულია უზრუნველყოს ზედამხედველობისა და კონტროლის განმახორციელებელ პირთა მიერ გაცემული, როგორც ზეპირი, ასევე, წერილობითი რეკომენდაციების დამითითებების შესრულება.

6. მომსახურეობის მიმდინარეობაზე შემსყიდველი ან/და ზედამხედველი კონტროლს (ინსპექტირებას) აწარმოებს საქართველოს კანონმდებლობის, ტექნიკური დავალებისა და ხელშეკრულების პირობების შესაბამისად, რომელთა დარღვევის შემთხვევაში შემსყიდველი უფლებამოსილია, შეაჩეროს სამუშაოების მიმდინარეობა და განახორციელოს ხელშეკრულებით და საქართველოს კანონმდებლობით გათვალისწინებული ზომები.

7. ხელშეკრულებით განსაზღვრული ვალდებულებ(ებ)ის შეუსრულებლობის ან არაჯეროვანი შესრულების შემთხვევაში შემსყიდველის, მიმწოდებლისა და ხელშეკრულების კონტროლის (ინსპექტირება) მიზნით შერჩეული სხვა პირ(ებ)ის მონაწილეობით ფორმდება შესაბამისი აქტი, სადაც დეტალურად აღიწერება ხელშეკრულებით განსაზღვრული ვალდებულებ(ებ)ის შეუსრულებლობის ან არაჯეროვანი შესრულების მიზეზ(ებ)ი. თუ მიმწოდებლის წარმომადგენელი უარს აცხადებს ამ პუნქტში აღნიშნული აქტის შედგენაში მონაწილეობაზე, ხსენებული ფიქსირდება ამავე აქტში და იგი იწვევს იმავე სამართლებრივ შედეგებს, რასაც გამოიწვევდა მიმწოდებლის წარმომადგენლის მონაწილეობით შედგენილი აქტი. სამუშაოების არაჯეროვნად შესრულების შემთხვევაში მიმწოდებელი ვალდებულია, თავისი სახსრებით დაუყოვნებლივ აღმოფხვრას დეფექტ(ებ)ი. სამუშაოების არაჯეროვნად შესრულების შემთხვევაში მიმწოდებელს არ უნაზღაურდება დეფექტ(ებ)ით შესრულებული სამუშაოების ღირებულება.

მუხლი 10. ფორს-მაჟორი

1. მხარეები თავისუფლდებიან ხელშეკრულებით გათვალისწინებული ვალდებულებ(ებ)ის შეუსრულებლობით ან/და არაჯეროვნად შესრულებით გამოწვეული პასუხისმგებლობისაგან, თუ ვალდებულებ(ებ)ის შეუსრულებლობა ან/და არაჯეროვანი შესრულება გამოწვეულია დაუძლეველი ძალის (სტიქიური უბედურება, ეპიდემია, ომი, კარანტინი, საქონლის მიწოდებაზე ემბარგოს დაწესება, საბიუჯეტო ასიგნებების მკვეთრი შემცირება, საზოგადოებრივი არეულობა, ცვლილებები კანონმდებლობაში და ა.შ.) ზეგავლენით, რომლის წინასწარ განსაზღვრა ან თავიდან აცილება მხარეების შესაძლებლობას აღემატებოდა. დაუძლეველი ძალით გამოწვეული მოვლენები ეწოდება მოვლენებს, რომელთა წარმოშობასა და განვითარებაზე მხარეებს ზეგავლენის მოხდენა არ შეუძლიათ (ფორს-მაჟორი).

2. მხარე, რომელსაც ხელშეკრულებით გათვალისწინებული ვალდებულებ(ებ)ის შეუსრულებლობის ან/და არაჯეროვნად შესრულების მიზეზად ფორს-მაჟორი მოჰყავს, ვალდებულია, დაუყოვნებლივ, მაგრამ ფორს-მაჟორის მოვლენის დადგომიდან არაუგვიანეს 5 (ხუთი) სამუშაო დღისა, წერილობით აცნობოს მეორე მხარეს ასეთი მოვლენის დადგომისა და მისი სავარაუდო აღმოფხვრის ვადის შესახებ; წინააღმდეგ შემთხვევაში იგი არ თავისუფლდება ხელშეკრულებით გათვალისწინებული ვალდებულებ(ებ)ის შეუსრულებლობით ან/და არაჯეროვნად შესრულებით გამოწვეული პასუხისმგებლობისაგან. ამასთან, მეორე მხარის მოთხოვნის შემთხვევაში, შესაბამისმა მხარემ უნდა წარადგინოს ფორს-მაჟორის არსებობის დამადასტურებელი დოკუმენტი, და დაასაბუთოს, რომ ფორს-მაჟორმა არსებითად ხელი შეუშალა მხარეს ხელშეკრულებით გათვალისწინებული ვალდებულებ(ებ)ის შესრულებაში.

მუხლი 11. პასუხისმგებლობა

1. ხელშეკრულებით გათვალისწინებული ვალდებულებ(ებ)ის შეუსრულებლობის ან არაჯეროვნად შესრულებისათვის დამრღვევი მხარე ვალდებულია, მეორე მხარის მოთხოვნისთანავე გადაუხადოს მას პირგასამტეხლოს სახით ხელშეკრულების ღირებულების 1% ასეთი მოთხოვნის მიღებიდან არაუგვიანეს 5 (ხუთი) სამუშაო დღეში და უზრუნველყოს დარღვეული ვალდებულების დაუყოვნებლივ გამოსწორება, გარდა ამ მუხლის მეორე პუნქტით განსაზღვრული შემთხვევისა.

2. მიმწოდებლის მიერ ხელშეკრულების მოწოდების ვადების დარღვევის შემთხვევაში, მიმწოდებელს დაეკისრება პირგასამტეხლო ყოველ ვადაგადაცილებულ დღეზე, ხელშეკრულების ღირებულების 0.02%-ის ოდენობით.

3. მიმწოდებლის მიერ ხელშეკრულების მე-3 მუხლის პირველი პუნქტით გათვალისწინებული სამუშაოების ვადის გადაცილების შემთხვევაში, თუ მიმწოდებლის და შემსყიდველს შორის არ იქნა მიღწეული შეთანხმება ხელშეკრულების მოქმედების ვადის გაგრძელების თაობაზე ხელშეკრულების მოქმედების ვადის ამოწურვამდე 10 დღით ადრე და მიმწოდებელი ამ ხელშეკრულების მოქმედების ვადის ამოწურვამდე 10 დღით ადრე ვერ უზრუნველყოფს სამუშაოების დასრულებას, შემსყიდველი უფლებამოსილია ამოქმედო ხელშეკრულების შესრულების უზრუნველყოფის გარანტიასრული ოდენობით.

4. იმ შემთხვევაში, თუ ხელშეკრულებით გათვალისწინებული ვალდებულებ(ებ)ის დარღვევის გამო მიმწოდებლისთვის დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 2%-ს, შემსყიდველს უფლება აქვს, ცალმხრივად შეწყვიტოს ხელშეკრულება.

5. ამ მუხლის საფუძველზე მიმწოდებლისთვის დაკისრებული პირგასამტეხლოს გადაუხდელობის შემთხვევაში, შემსყიდველი უფლებამოსილია, მიმწოდებელს შესრულებული სამუშაოების ღირებულებიდან

დაუკავოს თანხა დაკისრებული პირგასამტეხლოს ოდენობით და მოახდინოს ურთიერთმოთხოვნათა გაქვითვა საქართველოს კანონმდებლობის შესაბამისად.

6. მიმწოდებლის მიერ ხელშეკრულებით გათვალისწინებული ვალდებულებ(ებ)ის შეუსრულებლობით ან არაჯეროვნად შესრულებით მესამე პირისათვის მიყენებული ნებისმიერი სახის ზიანის ანაზღაურების ვალდებულება ეკისრება მიმწოდებელს.

7. მიმწოდებლის მიერ ჩადენილი საქართველოს ადმინისტრაციულ სამართალდარღვევათა კოდექსით გათვალისწინებული სამართალდარღვევისათვის, შემსყიდველისათვის დაკისრებული ადმინისტრაციული სახდელისათვის პასუხისმგებლობა ეკისრება მიმწოდებელს.

8. შემსყიდველის მიერ მიმწოდებლისათვის გადაცემული გარემოზე ზემოქმედების შეფასების ანგარიშის, ეკოლოგიური ექსპერტიზის დასკვნითა და გარემოსდაცვითი მართვის გეგმის მოთხოვნებითა და პირობებით (მათი არსებობის შემთხვევაში) გათვალისწინებული ვალდებულებ(ებ)ის შეუსრულებლობით გამოწვეული ზიანისათვის პასუხისმგებლობა ეკისრება მიმწოდებელს.

9. მიმწოდებელს ეკისრება სრული პასუხისმგებლობა ტექნიკური დავალებით გათვალისწინებული ვალდებულებ(ებ)ის დარღვევის შემთხვევაში წარმოშობილ ზიანზე.

მუხლი 12. ხელშეკრულების შეწყვეტა

1. ხელშეკრულების ერთ-ერთი მხარის მიერ ხელშეკრულების ვალდებულებ(ებ)ის შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია, მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ, რაზედაც აცნობებს მეორე მხარეს წერილობითი ფორმით.

2. ხელშეკრულების ცალკეული პირობების მოქმედების შეწყვეტა არ ათავისუფლებს მეორე მხარეს ხელშეკრულებით განსაზღვრული სხვა პირობების შესრულებისაგან.

3. ხელშეკრულების შეწყვეტა ურთიერთშეთანხმების საფუძველზე ხორციელდება მხარეთა შორის დანართის გაფორმების გზით.

4. მხარეთა შეუთანხმებლობის შემთხვევაში ხელშეკრულების თითოეულ მხარეს უფლება აქვს, ცალმხრივად, წერილობითი ფორმით შეწყვიტოს ხელშეკრულება.

5. შემსყიდველი უფლებამოსილია, ვადამდე, ცალმხრივად შეწყვიტოს ეს ხელშეკრულება თუ:

ა) მიმწოდებელი არღვევს (არ ასრულებს ან არაჯეროვნად ასრულებს) ხელშეკრულებით განსაზღვრულ ვალდებულებას/ვალდებულებებს;

ბ) მიმწოდებლის მიმართ მიმდინარეობს გაკოტრების ან გადახდისუუნარობის საქმისწარმოება (მიუხედავად მისი დაწყების დროისა);

გ) მიმწოდებლის ქონებას დაედო ყადაღა, თუ ეს გარემოება ზეგავლენას ახდენს ან შესაძლებელია, ზეგავლენა მოახდინოს ხელშეკრულებით გათვალისწინებული ვალდებულებ(ებ)ის შესრულებაზე;

დ) მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია, მოახდინოს ხელშეკრულებით გათვალისწინებული ვალდებულებ(ებ)ის შესრულებაზე;

ე) მიმწოდებლის მიმართ დაკისრებული პირგასამტეხლოს ოდენობამ გადააჭარბა ხელშეკრულების ღირებულების 2%-ს;

ვ) ხელშეკრულების გაფორმების შემდეგ შემსყიდველისათვის ცნობილი გახდა, რომ მიმწოდებელმა ხელშეკრულების დადების მიზნით ჩაიდინა არაკეთილსინდისიერი ქმედება;

ზ) საქართველოს კანონმდებლობით გათვალისწინებულ სხვა შემთხვევებში.

6. მიმწოდებლის მიერ ხელშეკრულების თვითნებურად შეწყვეტის შემთხვევაში მიმწოდებელს დაეკისრება პირგასამტეხლო ხელშეკრულების ღირებულების 10%-ის ოდენობით.

მუხლი 13. უფლებების გადაცემა

1. ხელშეკრულების არც ერთ მხარეს არა აქვს უფლება, გადასცეს მესამე პირს ხელშეკრულებით განსაზღვრული თავისი უფლებები და მოვალეობები მეორე მხარის წერილობითი თანხმობის გარეშე.
2. ხელშეკრულების ფარგლებში მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

მუხლი 14. შეტყობინება

1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, უნდა გაიგზავნოს წერილის, დეპეშის, ოფიციალური ელექტრონული ფოსტის (შემსყიდველის შემთხვევაში chiatura.contact@chiatura.gov.ge ან ფაქსის სახით, ორიგინალის შემდგომი წარდგენით, ხელშეკრულებაში მითითებულ მეორე მხარის მისამართზე:
2. შეტყობინება ძალაში შედის ადრესატის მიერ მისი მიღების დღეს ან შეტყობინებაში ძალაში შესვლისათვის დადგენილ დღეს იმის მიხედვით, თუ ამ თარიღებიდან რომელი უფრო გვიან დგება.

მუხლი 15. სხვა პირობები

1. ხელშეკრულებაში შესატანი ნებისმიერი ცვლილება ან დამატება უნდა გაფორმდეს მხარეთა შორის წერილობითი შეთანხმების საფუძველზე ხელშეკრულების დანართის გაფორმების გზით. ამ პუნქტის შესაბამისად გაფორმებული ხელშეკრულების დანართი მხარეთა ხელმოწერისთანავე წარმოადგენს ხელშეკრულების განუყოფელ ნაწილს.
2. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა, რა დროსაც დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.
3. ხელშეკრულება რეგულირდება საქართველოს კანონმდებლობით.
4. მხარეთა შორის წარმოშობილი სადავო საკითხები წყდება ურთიერთშეთანხმების გზით. მხარეთა მიერ შეთანხმების მიუღწევლობის შემთხვევაში დავა გადაწყდება საქართველოს სასამართლოს მეშვეობით საქართველოს კანონმდებლობის შესაბამისად.
5. ხელშეკრულება შედგენილია ქართულ ენაზე, ელექტრონული ფორმით.
6. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
7. მიმწოდებლის სატენდერო წინადადება, ხარჯთაღრიცხვა, ხელშეკრულების შესრულების უზრუნველყოფის გარანტია, სამუშაოების შესრულების გეგმა-გრაფიკი, ტექნიკური დავალება, საპროექტო დოკუმენტაციის განმარტებითი ბარათი, სპეციფიკაციები, ნახაზები, პროექტი თან ერთვის ხელშეკრულებას და წარმოადგენს მის განუყოფელ ნაწილს.

მუხლი 16. ხელშეკრულების მოქმედების ვადა

ხელშეკრულების მოქმედების ვადა განისაზღვრება ხელშეკრულების ხელმოწერის დღიდან 2022 - - - - წლის ჩათვლით, გარდა ხელშეკრულებით განსაზღვრული იმ ვალდებულებებისა, რომელთა არსებობაც არ არის დამოკიდებული ხელშეკრულების მოქმედების ვადაზე.

მხარეთა ხელმოწერები:

შემსყიდველი:

მიმწოდებელი: